

MAY MALASAKIT ANG DIYOS SA PAKIKITUNGO MO SA IBA



Tungkol sa Diyos — Ang Ating Pag-aralan

Tinutulungan ng Diyos ang mga magulang sa pag-aalaga sa kanilang mga anak. Alam ng Diyos ang iyong damdamin para sa iba. Pinarurusahan ng Diyos yaong hindi mabuti ang pakikitungo sa iba. Ibig ng Diyos na ikaw ay maging mabuti sa iba.



Basahin mo ito sa Biblia
Malakas na basahin nang 5 ulit

Ngunit si Cain ay nakipagtao sa kapatid niyang si Abel...at pinatay niya ito. At tinanong ng Panginoon si Cain: Nasaan ang kapatid mong si Abel? Genesis 4:8,9. .

Magagawa mo ba ito?
Bilugan ang tamang sagot.

1. Ano ang gagawin ng Diyos sa taong hindi mabuti ang pakikitungo sa iba?
2. Alam ba ng Diyos kung ikaw ay galit sa iba?
3. Sino ang pumatay sa kanyang kapatid?

lilimutin pagpapalain parurusahan

oo hindi kung minsan

Adan Abel Cain

Mga Sagot

1. parurusahan 2. oo 3. Cain


Mga Salitang Dapat Mong Matutuhan

Ang handog ay bagay na ibinibigay ng tao sa Diyos.
Ang hain ay bagay na buhay na inihahandog sa Diyos.
Ang pagpalain ay ang gumawa ng bagay na mabuti para sa isang tao.

Tinutulungan ng Diyos ang mga magulang sa pag-aalaga sa kanilang mga anak.

Guhitan ang lahat ng salita mula sa ● hanggang ●

Marami ang naging anak nina Adan at Eba. Ang panganay nilang anak ay si Cain. Pangalawang anak ay si Abel. Sina Cain at Abel ang mga unang anak, at ang unang magkapatid sa daigdig. Sina Adan at Eba ay kailangang magtrabaho para malagaan ang kanilang mga anak. ● Tinulungan sila ng Diyos sa kanilang gawain ●



Kinailangan nilang maghalaman. Inalagaan nila ito at umani ng kanilang pagkain. Sila'y nag-alaga ng mga tupa at mga kambing upang magkaroon ng gatas at keso at damit. ● Tinuruan nilang gumawa ang kanilang mga anak. At itinuro nila ang tungkol sa Diyos. ●

Alam ng Diyos ang iyong damdamin para sa iba.

Si Cain ay naghandog sa Diyos mula sa kanyang itinanim. Naghandog din sa Diyos si Abel, isang korderong mamamatay para sa mga kasalanan ni Abel. • Sina Cain at Abel ay kapwa mahal ng Diyos. • Ipinakita sa kanila ng Diyos ang paraan ng paglapit sa Kanya. Sila'y magdadala ng hain para sa kasalanan tulad ng ginawa ni Abel. Pinagpala ng Diyos si Abel at pinatawad ang mga kasalanan nito.



DIYOS

Si Cain ay hindi nais na makinig sa Diyos. Ibig niyang gawin ang anuman sa kanyang paraan. Nagalit si Cain sa Diyos nang pagpalain nito si Abel.

Si Cain ay galit din kay Abel. Alam ng Diyos ang damdamin ni Cain. • Alam ng Diyos na kung mananatiling galit si Cain, ito'y gagawa ng masama • Kinanusap ng Diyos si Cain at tinanong, "Bakit ka nagagalit?" Subalit ayaw makinig ni Cain sa Diyos. Namuhi si Cain sa kapatid niyang si Abel.



Pinarurusahan ng Diyos yaong hindi mabuti ang pakikitungo sa iba.

Sa gitna ng bukid isang araw, pinatay ni Cain ang kapatid niyang si Abel. Napakasamang kasalanan iyon. Nakita ng Diyos ang ginawa ni Cain. • Dapat parusahan ng Diyos si Cain.

Hindi ibig ng Diyos na manatili si Cain sa piling ng kanyang pamilya. Si Cain at ang kanyang asawa ay lumayo upang mamuhay na nagsasarili.



Ibig ng Diyos na ikaw ay maging
mabuti sa iba.

Kasalanan ang
mamuhi sa ibang tao.
Dahil sa kasalananang ito,
ang tao'y nagnanais na
manakit ng kapwa. Dahil sa
kasalananang ito, sila'y nag-aaway
at nagpapatayan. Nagkakalayo ang
mga tao dahil sa kasalanan. Nawa-
wasak ang mga tahanan dahil sa kasala-
nan.



Ibig tayong patawarin ng Diyos sa ating mga
kasalanan at gawin tayong mabuti. • Ibig
ng Diyos na alisin ang masamang
damdamin natin at palitan
iyon ng pag-ibig sa kapwa. • Sa
gayon ay magiging maligaya tayong
palagi.

Ikaw ba ay nagalit na sa iyong kapwa? Pina-
aalís mo ba sa Diyos ang iyong galit? Ibig
mo bang makasundo ang ibang tao? Isaulo
mo ang panalanging ito.

Panalangin

Panginoon, huwag mo akong
hayaang maging katulad ni Cain.
Tulungan mo akong makitungo
ng mabuti sa iba. At gawin mo
akong maibigin, mabuti, at
magandangloob.



Sagutin na ngayon ang Ulat ng Estudyante para sa Aralin 5.
International Correspondence Institute
Phil. National Office, P.O. Box 1084, Manila


MAY MALASAKIT ANG DIYOS SA PAKIKITUNGO MO SA IBA

KAWILI - WILING GAWIN

Kulayan ang larawan.

Nag-aaway at nagpapatayan ang mababangis na hayop.

Dapat ba tayong tumulad sa kanila?



Gumuhit mula sa tanong papunta sa tamang sagot, gaya nito:

1. May halaga ba sa Diyos kung paano natin pinakikitunguhan ang iba? ● si Cain
2. Sino ang nagdala sa Diyos ng isang hayop bilang hain para sa kanyang kasalanan? ● oo
3. Sino ang nagalit sa kanyang kapatid? ● ang Diyos
4. Sino ang nagbabala sa isang kapatid na mapanganib na magkasala ang isang galit? ● si Abel

Guhitan ang mga tamang sagot:

5. Paano kaya ibig ng Diyos na pakitunguhan mo ang iba? awayin ibigin labanan patayin patawarin kamuhian

Sagutin ito

6. Madali bang lagi ang magpigil ng galit?
7. Kung nagagalit ka, nagagawa mo ba ang bagay o nasasabi yaong pagsisisihan mo pagkatapos?
8. Ibig mo bang tulungan ka ng Diyos para hindi magalit sa ibang tao?
9. Ano kaya ang dapat mong gawin tuwing madarama mo na ikaw ay magagalit?

Ginawa mo bang lahat ang nasa araling ito?

Isulat na malinaw ang iyong pangalan

Marka

Bibigyan ng kaukulang antas ang iyong Papel ng Pagsusulit na ito at ibabalik sa iyo kalakip ang susunod na aralin. Ikagagalak naming tumanggap ng iyong mga liham. Isulat mo sa amin ang mga katanungang maaaring maisip mo habang pinag-aaralan mo ang kursong ito. IPADALA ITO SA:

ICI-PHILIPPINE NATIONAL OFFICE P.O. Box 1084, MANILA